



Inatsisartunut ilaasortaqaq Tillie Martinussen, Suleqatigiissitsisut -
Samarbejdspartiet

E-mailikkut nassiunneqarpoq: inatsisartut@inatsisartut.gl

**Air Greenland aamma codeshare atorlugit 2018-imi takornariaqarneq
pillugu § 37 naapertorlugu apeqqummut nr. 136-mut akissut**

19-07-2018
Suliap nr. 2018 - 14715

Air Greenland aamma codeshare atorlugit 2018-imi takornariaqarneq pillugu
Inatsisartut suleriaasianni § 37 imm. 1 naapertorlugu Naalakkersuisunut
apeqquteqarputit. Apeqqutit uanga suliaasaqarfinni akisassanngorlugit
innersuunneqarput.

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Air Greenlandimit aamma Visit Greenlandimit akissummik piniartoqarpoq.

**1. Air Greenland codesharenut qassinik isumaqatigiissuteqarpa imaluunniit
allanut angalatitseqatigiiffinnut tamakkiisumik ilaannakoortumilluunniit
pisortanit pigineqatunut?**

Akissut: Air Greenlandimit akissummik piniartoqarpoq:

“Air Greenland ilaasut aamma nassatat pillugit SAS-imut aamma Icelandair-
imut interlinemik isumaqatigiissuteqarpoq, aammalu Danish Air transporti-
mut aamma Air Alsiemut taamaallaat nassatat pillugit interlinemik
isumaqatigiissuteqarluni.

Interlinemik isumaqatigiissuteqarnermi ilaasussap angalanermik
ataatsimoortumik, timmisartuutitseqatigiiffinnik arlalinnik namminersortunik
akuutitsiviusumik, pisisinnaanera ajornarunnaarsinneqartarpoq.

Assersuutaasinnaavoq Nuummiit Københavnikkoarluni Stockholmmut
angalanissaq. Tassani Air Greenlandip Nuup aamma Københavnip
akornanni angallaviini timmisartortoqarluni, aammalu SAS-imik
Stockholmmut ingerlaqqittoqarluni.”

**2. Naalakkersuisut nassuiarsinnaanerlugu sooq ingerlatseqatigiiffiit
nunarsuarmi timmisartortitseqatigiiffinnik allanik suleqateqarnersoq
imaluunniit suleqateqannginersut?**

Akissut: Air Greenlandimit akissummik piniartoqarpoq:

“Tamanna niuernikkut imminut akilersinnaasutut nalilernerqartillugu, interlinemik isumaqatigiissuteqartoqartarpoq, taamaalilluni angallavinni attaveqaatit annertusitinneqarsinnaasarlutik, taamaalillunilu takornarianut taamatullu inuussutissarsiortut angalaneranut ingerlatseqatigiiffiup angallaviini attaveqaatit atornerqarsinnaalertarlutik. Interlinemik isumaqatigiissuteqarnerut aningaasartuutit annertuujupput, taamaattumik isumaqatigiissuteqarnerup malitsigisaanik aningaasartuutit isertitaqarnerulernissamik naatsorsuutigisaqarnermut – billetsit tunineqartut amerlanerullutik – naapertuuttussaapput.”

3. Timmisartortitseqatigiiffiit, annguffissanik neqerooruteqartartut angalatitseqatigiiffillu il.il. siunissami suleqatigineqarnerulernissaat pilersaarutaanerluni, Kalaallit Nunaannut takornariat amerlanerusut annguttalernissaat pillugu?

Akissut: Air Greenlandimit akissummik piniartoqarpoq:

“Timmisartuutileqatigiiffinnut interlinemik isumaqatigiissuteqarnerit, København aamma Keflavik aqqusaarlugit Kalaallit Nunaannut aamma Kalaallit Nunaannit attaveqartitsisinnaasut, amerlineqarnissaannik pisariaqartitsineq Air Greenlandimit ingerlaavartumik nalilersorneqartarpoq. Taamaattoq tunngavissaritinneqarpoq isumaqatigiissutit niuernikkut imminut akilersinnaasuussasut, tassami aamma taamaattunik isumaqatigiissuteqalerneq timmisartuutileqatigiiffimmu annertuumik aningaasartuuteqarfiusarmat. Takornarianik Kalaallit Nunaannukarumalersitsiniarnermut tunngatillugu, interlinemik imaluunniit codeshareni isumaqatigiissuteqarneq kisimiitinneqarsinnaanngilaq. Takornariaqarnerup annertusitinneqarnissaanut tigooqqaasartussani aningaasaliinissaq pisariaqarpoq, tassa imaappoq takornarianut akunnittarfinni misigisassarsiortitsinermillu suliaqarnikkut. Air Greenlandip periusissiaa 2014-imiilli tassarpiaasimavoq takornariaqarnerup iluani siuariartortitsinissaq, aammalu tamatuma malitsigisaanik ukiuni qaangiuttuni oqaluttuarisaanermi siuariartoqartoq Air Greenlandip misigisimavaa. Angusanut pingaartumik pissutaavoq suliffissuup iluani ataqatigiissaakkamik suleqatigiinneq, kisianni aamma avataani Visit Greenland peqatigalugu aammalu nunani tamalaani niuerfinni nittarsaassineq.”

4. Apeqqut 3 angerneqassappat inussiarnersumik tamanna nassuiaqqulaarpara

Akissut: Apeqqummut nr. 3-mut akissut takuuk.

Inussiarnersumik inuulluaqqusillunga



Aqqalu Jerimiassen